



籌堵黃河中牟決口委員會

京水鎮口門測量隊殉職七烈士紀念冊



80053

AG
K826.16-6
7

京水鎮口門測量隊殉職七烈士紀念冊目錄

題詞

工作概況 附照片

遇難情形

殉職各員畧傳

挽聯誄詞

三北中國書局



3 2168 9036 2

題詞

蘇體仁

屈子投汨羅魯連蹈東海賚恨謝塵寰萬古精靈在哀哉七人志靡佗寢饋
難忘瓠子歌誓殉洪流何畏忌不分肝腦竟塗地從教化作萇弘血一例千
秋名不滅

題詞

殷 沚


展卷嗟行役傷哉遇竭磨生還千里遠死難七人多大地餘殘劫青春杳逝
波故知靈不泯遺恨滿山河



景 全 門 口



影 合 隊 全



窩 沙 河 黃 舊




深 水 河 黃 新



地形組合影



水平組合影



測量地下水位



工作進行

工作概況

本會爲明瞭口門現勢預備設計施工乘豫戰西移組織測量隊相機實測口門附近地形以工程師袁文正爲隊長工程師王瑞生趙伯彭幫工程師周文漪工務員馬殿駱馬獻璋關金策樊九經及雇員陳若溶等八人爲隊員隨帶公役吳志昌鄧和劉子聚三人並調集本會濼口齊河河工分段河夫十名充當測夫自六月十五日起陸續出發二十七日全隊到達西距口門約十公里之七堡村測次二十八日先赴口門踏勘二十九日晨六時半在東壩頭附近開始工作首測跨河斷面之導綫正在測量之際適有遊擊隊在距工作地約二百公尺處渡河被西壩頭附近駐軍發見立即發礮射擊全隊人員遂匍匐草中暫避直將遊擊隊擊退後再行繼續工作此次測

量以黃河水利委員會之水平基點 P. M. 1077 爲起點 0 + 000.1 切高度均以大沽水平基點 (M. T. D.) 爲標準由幫工程師周文漪以經緯儀向東北方施測導綫至 E. 1 + 000.1 十日繼續進至 E. 2 + 500 更由工程師趙伯彭及工務員馬殿駭分任正副水平隨後施測至 E. 1 + 000 七月一日導綫進至 E. 4 + 000 正副水平至 E. 2 + 500 1 日導綫進至 E. 5 + 500 正副水平至 E. 4 + 000 2 日導綫至 E. 7 + 000 正副水平至 E. 5 + 000 4 日導綫至 E. 8 + 200 正副水平至 E. 7 + 000 每日出發工作因汽車發生障礙未能乘坐須冒華氏表一百二十度之酷熱徒步往返三四十里隊員多患暑病及風濕之症四日傍晚開封工程處邱技士來隊帶來柳井專員公函並由佐籐辦事傳語囑在門口附近挖井以察地下水位五日甫至工作地忽天

降大雨未能工作返回宿所六日施測第四號斷面長約五公里正副水平
繼續進至E8 + 200七日施測第五號斷面長約四公里正副水平自E8
+ 200圈至八堡大隄八日因雨未出工作全體整理內業九日勘定井之
位置五處正副水平圈至七堡大隄十日雇工挖井五處同時施測第三號
斷面長約四公里正副水平圈至七堡村東北大王廟舊址石碑座角其上
有黃河水利委員會所作之水準標點 D.S.B.M. 13 以便校對高度十
二日施測第二號斷面長約三公里半挖井工作完成十二日施測地下水
位午後一時佐籐辦事帶來汽車及柳井專員公函囑再增挖二井十三日
繼續第六號斷面長約四公里一部隊員整理內業十四日施測第一號斷
面長約二公里本日邱技士來隊帶來柳井專員公函催索工作報告藉乘

北村君回京之便携送本會自十五日至十六日全體趕作報告十七日由趙伯彭周文漪携帶去汴馬殿驛關金策順便赴開封治病餘則整理內業十九日趙伯彭等由汴歸來二十日施測第七號斷面長約二公里二十一日周文漪測得口門寬度爲一三四〇公尺並施測新黃河上游賚莊至七堡間一帶地形二十二日續測石橋附近地形二十三日工作完竣全隊回抵開封此次測量成績計口門一帶平面圖一張導綫水平地形記載簿各一冊及斷面記載簿二冊並向開封工程處要來前黃河水利委員會一萬分之一地形圖十八張藉與此次測量結果參照校對

遇難情形

三十三年六月二十七日全隊抵達測次七月二十三日測畢在工作期間

雖歷經艱難困苦各種危險以及意外事故而全體員工均持以鎮靜堅忍邁進卒能完成工作二十三日全隊返汴電會請示回京本會當即復電照准該隊接電後即整理一切二十八日先派馬殿駿陳若溶率領測夫轉道赴濟南送回原段服務同日並將測量成績及一部行李交站運京全隊人員乃於七月二十九日（甲申年六月初十日）晨搭乘京汴通車起程遂演此空前慘劇隊中除馬殿駿陳若溶先一日難汴周文漪臨時遲滯站外公役鄧和劉子聚因故改搭晚車臨時出站幸免於難外其餘自袁隊長以下七人皆殉職緣是日在汴站共見對方飛機四次前三次均未擲彈及第四次已見飛機低空飛來衆欲向外逃避時炸彈已投下隊長袁文正工程師王瑞生趙伯彭工務員關金策樊九經當時殞命工務員馬獻璋公役吳志

昌負傷死於醫院當飛機去後周文漪擬入內探視惟車站警防森嚴至次日清晨方得入站在燒毀之車下僅掘出王趙樊三人屍體袁關二人屍體徧覓不見乃連同馬吳二人遺體分別棺殮嗣於八月十四日運回北京暫厝宣外法源寺內將來分別設法運回原籍安葬

袁文正先生略傳

袁君文正學名增運一字松青河北省灤縣人幼聰慧好學肄業於縣立小學稍長入天津匯文中學畢業後以志趣所嚮考入唐山交通大學攻土木工程學在校時同學咸服其議論明辯才學高超一切團體多推君爲



表率君於讀書餘暇雅好搜集郵票歷二十餘年積成巨帙實有數之集郵家也民國二十二年畢業授工學士學位由鐵道部派往正太鐵路服務當時正太路雖係狹軌而工程極難君於此所得經驗良多厥後能任重致遠實於此基之虞溝橋事變勃發乃返里侍親奉養之餘執教於灤縣中學校君學識深遠講解明晰備受學生愛戴民國二十八年建設總署廣攬技術人材遂自往投効經嚴格考詢後即時錄用派充天津工程局技士是爲獻身於水利工程界之始民國二十九年白河水漲天津一區旣成澤國君塞決疏流夜以繼日倍極辛勞而以職責所在從無倦容三十年籌堵黃河中牽決口委員會成立君轉任工程師繼任第三測量隊長擔任冀豫兩省黃河沿岸測量工作成績懋著今夏以京水鎮口門一帶治安恢復奉諭組

織測量隊率領前往實測月餘以來溽暑薰蒸勤勞盡職執意工竣言旋適遭飛機轟炸捨身殉職年僅三十五歲老母健在妻張氏子女各一境况蕭條所存者惟書籍與郵集數冊而已

王瑞生先生略傳



王君名彩瑞生其字也河北省豐潤縣人畢業於唐山工業專門學校土木工程科於民國八年至十七年任職前順直水利委員會二十二年黃河水利委員會成立任副工程師迄二十六年事變建設總署成立供職建署天津工程局擔任水文測量工作三十年籌堵黃河中牟決口委員會成

立轉任工程師迭赴河南河北測量各險工地段奔走况瘁專致力於測量工作先是順直水利委員會於華北各地施測精密地形君多參與其事歷年已久成效昭著誠有數之測量家也君性誠篤沈默寡言不事機巧亦少交際值此世風波靡每慨然於善惡莫辨是非顛倒悲憤不自勝年來生活日艱處境極窘君則守正不阿自甘憔悴本年六月黃河京水鎮口門施行測量君毅然前往地近戰區時方盛暑險阻艱難甫經竣事詎至開封車站突遭飛機轟炸遽爾殞身時年四十八歲羅此慘劫痛悼實深妻常氏子女各一身後蕭條實堪憫惻已

趙伯彭先生略傳

趙君學名壽齡字伯彭析津名儒趙楚賢先生之長子家學淵源忠勤篤實



屈己從人重交誼尙義氣初入天津省立第一中學校畢業後考入北洋大學成績優秀惟因楚賢先生退隱閒居食指衆多生計日窘伯彭矢志求學由其二伯父贊助克遂其志民國二十年在天津北洋大學畢業得工學士學位初服務於天津市工務局監修大經路後調服內業計畫天津下水道工程及新市區建設迨同蒲鐵路修築時張象昶工程師力挽君前往協助工作遂辭天津工務局事而往山西任該路局工務組稽核科審查股股長校核圖卷井井有條深爲當局所倚重嗣開發西北風起陝西建設廳廳長雷寶華力邀赴陝婉辭不獲遂就咸榆公路主任工程師之職計畫及

督修咸陽至榆林一段公路工程繼任西京建設委員會西安近郊風景路西南段工程師職務監修西安至南山一段工程迅速堅固頗爲時人所贊許至西安事變勃發遂離陝返津途中經開封爲建設廳工務處處長梁曉嵐堅留以同學之誼遂任焦普公路及許南公路工程師之職兩路之成皆君所造嗣因二伯父病故君幼承培育又爲兼祧之子哀毀摧剝返籍料理辭去職務迨喪葬完畢先任豐潤縣中學教員後任石門市公署交通股股長民國三十年籌堵黃河中牟決口委員會成立遂辭石門市職務而就該會測量隊工程師曾測冀豫各險工地段事竣回會協同設計及編擬各項測量報告今以豫境戰事西移京水鎮口門附近治安漸復奉派隨隊出發測量口門形勢時值溽暑備極辛勞復近戰區數遇危險皆平安渡過不意

公畢返京在開封車站登車之際突遭飛機轟炸因以身殉年僅三十九歲雙親已老妻趙氏幼子四人一日遭此胡以爲生其慘慟有非筆量所能形容者也

馬獻璋先生略傳



馬君獻璋江蘇省常熟縣人幼隨父經商於關東嗣移家北京先考入北京市立工業職業學校土木系民國三十一年卒業於北京大學工學院土木系畢業後保送建設總署訓練團訓練期滿派送籌堵黃河中牟決口委員會服務君爲人和藹可親熱誠好義遇事不辭勞瘁事無大小一經整

理無不井井有條生平喜運動凡排球籃球等皆極擅長曾於運動會中充學校代表而獲冠軍固德智體三育並進之青年也本年六月間會中組織測量隊前往河南京水鎮口門一帶測量君隨隊出發頻歷危境卒能完成工作不料測畢回至開封登車之際忽遇飛機轟炸君負重創倉皇出走投入醫院醫者乏術延二日而竟逝矣時年僅二十五歲椿萱在堂無兄無弟妻湯氏結縞甫一年餘尙無子息慘哉

關金策先生畧傳

關君金策河北省臨榆縣人畢業於臨榆縣田氏私立高級中學校及北京中央鐵路學院工務科其後服務於濟南鐵路局工務段三十二年春任



堵黃河中牟口決委員會工務員君慷慨爽直勇於任事所至卓著勤勞洵有爲之青年也祖望山公幼年舉於鄉畢生治學不仕道德文章爲士林宗仰君幼年深得祖父彛訓淵源有自於舊學得其門徑書法尤佳父輩兄弟五人父最幼四伯父早逝無嗣由君兼祧六歲喪父祖父母教養之祖父已歿祖母現年八十有七對君最爲鍾愛君亦瞻望重闈以不能承歡爲憾本年六月會中派測量隊前往京水鎮口門施測地形君亦被派參與其間頗多建樹不幸測畢返京抵開封車站忽遭飛機轟炸未能脫險竟粉身以殉年僅二十六歲尙未結婚亦云慘矣

樊九經先生略傳



樊君九經浙江省杭縣人祖希成公官至太
守父名志澄歷官京職樊姓固杭州望族也
君生於北京幼即聰穎過人志澄先生工書
法精繪事君未弱冠盡能得其真傳每臨摹
祖若父書畫幾莫能辨雖曰家學淵源亦君
之得天獨厚也君年十七母夏太夫人見背終鮮兄弟一姊適同鄉許氏志
澄先生行高志潔鑒於前賢衣蘆之事遂不復娶君晨昏定省極能仰體親
心凡所以承歡者無微不至鄰里咸稱羨之君十八歲入北京市立高級工
業職業學校二十歲轉入香山慈幼院高級土木工工程科天資既高又好學

不倦故每試輒冠儕輩而雅量雍容謙和持重尤爲同學所敬佩畢業後由校保送建設總署訓練團受訓後即派入籌堵黃河中牟決口委員會服務君恪供厥職勤勞弗懈深得長官嘉許本年六月會中派測量隊前往河南京水鎮口門一帶實施測量逾月工竣正擬乘車北返甫抵開封車站突遭飛機擊襲君竟殉職時年二十有三歲尙未婚定良材天忌竟不肯留美質於人間耶

吳志昌先生略傳

吳君志昌河北省涿縣人父玉忠供職清禮王府多年辛亥以後兵燹頻仍漸及畿右遂引退歸田務農教子不謀復出時君適在髫齡鮮兄弟束髮就學聰穎過人而事親至孝深得堂上歡心民國以後父母相繼棄養子然一



身悲慟幾絕遂於十八年來京投入警界供職達十餘年從事勤勉謹慎儉廉精幹識度過人爲商民所敬愛繼而籌堵黃河中牟決口委員會成立來會供職黽勉將事無時或懈平日沈默寡言笑而辦事敏慎頗得長官信任本年六月隨測量隊出發赴京水鎮口門一帶工作奮勇逾人勤勞圖倦乃於回京之日在開封車站遭飛機轟炸受傷甚重昇至醫院急救於力竭聲嘶中猶關心公務暨同人安危嗷嗷不去口終以施救乏術竟以殞命年四十歲妻榮氏有娠遺女二年均幼身後極蕭條

挽聯誄詞

軍事委員會委員長汪兆銘

爲百姓永慶安瀾率隊勸工罔避險阻

聞諸君同遭慘變捐軀殉職能不傷悲

華北政務委員會委員長王克敏

烈矣諸君 勞績用宣 載平水土 鉅任斯肩 是測是度 治河所先

乃邁奇厄 禍降自天 效忠盡命 壯志以捐 勤事而沒 竹帛永傳

流芳遺烈 萬億斯年

考試院院長江亢虎

黃流南折 軒然大波 下民昏墊 閭殫爲河 延議堙之 爰命將作

相厥川原 貫茲脈絡 天庠不弔 慘變非常 作者七人 一旦淪亡

宣房未塞 哲匠先逝 關山阻修 辭以告祭

財政部

一德同心相率捍災欽壯烈

萬民托命終期砥柱奠中流

實業部部長陳君慧

辛苦挽狂瀾正賴羣才慰黎庶

倉皇罹慘變何堪千里弔精魂

銓叙部部長沈爾喬

功在禹域

陸軍部部長葉蓬

殘賊獨何心不欲萬民登衽席
防河甘並命自應百世享蒸嘗

宣傳部部長林柏生

氣數總難逃銀漢洗兵如何挽
死生容忽視金隄潰穴賴重修

社會福利部部長丁默邨

黃流之禍	將及江淮	執政焦慮	已溺爲懷	軫念民瘼	派遣幹才
相其原隰	度工量材	突遭變故	殲我良人	宣勞殉職	七員亡身
損軀爲國	同表情深	臨風灑淚	不覺沾襟		

司法行政部部長陳恩普

殉于安瀾

衛生署署長陸潤之

血鎮汎瀾

軍委會特派駐華北委員胡毓坤
爲民除患爲國奠安劇變雖遭功尙在
以義成名以身殉職令聞應共水長流

特別法庭華北分庭庭長榮臻

爲國宣勤其志不可一世

以身殉職此功足以千秋

司法行政部華北事務署

壯志未酬遺恨黃流仍滄濫記

精神不死留得青史著光輝

兼教育總署督辦王克敏

國事效馳驅碎骨粉身完壯志

旂常留姓字圃田良嶽弔忠魂

華北政務委員會總務廳長官王蔭泰

以死勤事

農務總署督辦王蔭泰

測度效前驅烽火中原留壯績

艱危丁浩劫秋風驛返路哀旌

綏靖總署督辦杜錫鈞

賈勇爲國計民生以赴

捨身於波濤洶湧之中

新民會會長王克敏

興亞之務 建設爲先 建設之基 交通尙焉 黃河萬里 襟帶華北

近經破壞 民苦洪水 當局塵系 施工勤治 諸君賢勞 邁往從事

頑敵竊覲 倉卒變起 良士七人 命盡河涘 壯志未酬 此生先休

舉國同憤 人天興憂 今日追悼 痛失國寶 英靈不爽 庶其來造

其茲壺觴 羅茲酒漿 嗚呼哀哉 以歆以饗

工務總署督辦蘇體仁

設計仗羣材水土平治報國共期酬壯志
捐軀付灰燼河山黯淡匡時何以慰忠魂

中日實業公司總裁余晉齋

因平洪水而犧牲慘遭崩雷掣電粉骨碎身肝腦塗地
斯藉凶兵以解脫痛徹嚴父慈親孤兒寡婦英靈籲天

淮海省省長郝鵬舉

死事勤勞汨濫河流孰與挽

浮生若夢杳冥天道我難窺

河北省省長陳曾拭

障驚濤以慰閭閻勉從公何期匏子歌中竟成劫運

遇伏葬而殉生命精忠不混合向蓮花界裏永作仙真

山東省省長唐仰杜

奉職殉中州同挽狂瀾循禹迹

生天成正果長留浩氣應極垣

河南省省長邵文凱

黃流橫決兮民困懷襄籌議堵築兮計畫周詳鳩工庀材兮先事測量各員
奔走河干兮皆辛苦之備嘗惟勞瘁之不辭兮斯功績之彌彰乃猝然而遇
害兮慘變出於非常竟以身而殉職兮爲山河生色與日月爭光仰壯懷雄
風而追悼兮願接引於西方敬掬誠而設奠兮望英靈來格而侑此一觴從
此輝揚史冊兮歷千秋萬古而姓氏彌芳

北京特別市市長劉玉書

沈玉告神牽菱恬波功同拯溺勛嫺執戈英英羣賢國之俊彥奔注方安萑
苻遽變偉績長留遺蛻空歸黃封餘慟碧葬增悲蘭藉載蒸椒漿敬酌鑿此
哀忱靈其來格

天津特別市市長張仁蠡

建設緬鴻才一霎罡風摧勁翮
淒涼驚鶴化九京遺恨痛歸魂

青島特別市市長姚作賓

臨難勿苟免一生忠氣山河壯
殺身成仁義千載精神日月光

青島特別市市長姚作賓

禹迹治水 功推導河 誰爲戎首 潰決洪波 沈墊廬舍 漂沒田禾
流離民衆 呼籲云何 惟茲烈士 忠勇番番 狂瀾力挽 鉅艱是荷
舉錘負畚 先事揣摩 經營未就 矢志靡佗 忘身殉職 守正弗阿
名揚東亞 震懾妖魔 河渠傳紀 精光不磨 同聲追悼 涕泗滂沱
遙瞻式典 莊嚴森羅 靈爽來格 鑒此短歌

在北京日本大使館交通部長長久保俊夫

壯志竟難酬 追念功高並河嶽

忠魂應不滅 行看會戰奠中原

中國憲兵司令黃南鵬

七烈士功慶安瀾壯志將償翹首黃河增痛悼
數千里山程水驛旅魂空返神京風雨弔英靈

工務總署署長羅錦

瓠子決中流櫛沐賢勞痛此日竟罹禍變
林衡思舊職英靈壯烈願來生再樹功勳

工務總署技監田淵壽郎

卅路慨崎嶇竟向中原悲鍛羽
狂流思挽陣空從蕭寺賦招魂

華北政委會總務局局長彥惠

治水勵忠勤探本窮源籌上策

殉公悲壯烈成仁取義式前型

華北政委會印刷局局長高崇祿

溽暑測河工念切拯災是同志七人未完宏愿

中途殉國難名成取義當流芬千載永慰英魂

華北政委會

民警政局

功在安瀾

河北省建設廳廳長李少微

事同死節共哭國殤聞噩耗兮驚心痛我多才多藝

職在安瀾竟遭匪算向英魂兮憑弔尙其來格來歆

山東省建設廳廳長莊維屏

履險如夷碧血丹心昭萬古
以身許國河聲山色並千秋

河南省建設廳廳長曲傳和

爲國宣勞勛昭四海

以身殉職譽載千秋

工務總署祕書主任李升培

爲國捐軀不辭電擊雷轟銷沈毅魄

以死勤事空使風淒月淡酌弔忠魂

工務總署總務局局長楊宗蕃

世事有何常慘禍飛來英靈難泯

浮生眞若夢長才未竟壯志可欽

工務總署

都市計畫局局長林是鎮
公路局局長劉學濬

壯歲具長才素志未伸黃水夕陽終古恨
驚心傳噩耗招魂安往淒風苦雨永年愁

工務總署

水利公路局參事
平尾勝
秋草勳

壯志未酬遽竟捐軀成永訣

英靈宛在感懷往續泣秋風

工務總署參事室同人

奉職矢忠勤平地雷聲遺蛻淒涼歸馬革

英靈猶宛在同袍雨泣滿腔悲憤寄蟬鳴

工務總署監察室主任宋啓秀

堵口慶安瀾功在萬民傳不朽

歸途慘遭難捐軀千里那堪悲

工務總署北京工程局局長徐緬唐

壯志搏洪濤詎意汴垣罹慘劫

愴懷荐清酌忍聞燕市動悲歌

工務總署天津工程局

因公捐軀功立不朽名立不朽

見危致命生也千秋死也千秋

工務總署天津工程局局長沈瓚

各有千秋同隊七人慘遭變

誰無一死英靈萬古痛招魂

工務總署濟南工程局

慷慨賦長征力搏洪濤攄壯志

驚心聞惡耗那堪蒿薤愴悲懷

工務總署開封工程處處長蕭定先

偉器各難量馳驅盡瘁丹心熱

鸞輪方待發倉猝罹災碧血埋

工務總署土木工程專科學校校務長王錄勳

往事昭昭億萬世長傳宇內

精忠耿耿千百年猶在人間

工務總署祕書張家駱

禍星天外忽飛來未展歸輪竟埋碧血
石火光中悲幻化緬懷往跡空咽黃流

山西省太原市市長張叔三

岱嶽峨峨 河水洋洋 卓哉諸君 克壯其猷 宣勤測驗 冒險登臨
光風霽月 氣概橫秋 宏籌未竟 壯烈犧牲 英靈不泯 浩節常留

河北省石門市市長孫世榮

爲河患勘工民瘼關心仁政令名皆欽佩
因歸途遭變以身殉職遠山近水共淒涼

冀東特別區唐山市市長袁規

千餘里巨浸奠平方期克奏膚功揚名青史

七君子中流砥柱胡竟突遭鉅劫飲恨黃泉

河北省保定市市長黃希文

氣節常存

華北禁烟總局局長萬兆芝

嗚呼生而爲英死而爲靈壯烈殉職千載猶榮嗟哉往歲河決中牟建設籌
堵測量是謀諸君集事學有專長鉤河摘洛戴月披霜碩畫紆謨神禹所理
沈災可淡昏墊能起轟然一聲石破天驚殲我良士人百其身碧血空灑賚
恨長眠悠悠行路哀感涕漣視君化厲殺賊推兇捍禦重勞明禋六宗靈輻

在門素旒在戶魂兮來歆往生樂土

中國聯合準備銀行

九霄赤霄摧忠骨

萬里黃河壯烈魂

華北糧食公社

宏猷未竟

華北新報

社長管翼賢
副社長大川幸之助

冒鉅險以勤河工使命已完成詎料歸途遭慘變
勸諸公竟殉職務英靈嗟宛在那堪設奠爲招魂

中國農工銀行全體同人

殺身成仁名垂宇宙

捨生取義碧血千秋

河北銀行分行

伍錫河
姚傅岩

建國矢精勤數士奠川追禹迹

殺身昭壯烈榮生哀逝著宣房

北京大德通銀號

因公致死捨己成仁千古人間稱烈士

爲民謀福捐軀就義中州父老泣英靈

孫慶澤

十二人共役生還才得五人死無完尸同是捐軀酬祖國

四五日工程濡滯竟逾旬日慘遭此厄從此定命在皇天

吳拱宸

有志挽狂瀾願不償心竟與同人化灰燼
無端遘奇禍慘難歸骨祇從先壠認衣冠

邵光

身後極哀榮求仁得仁想諸君亦可瞑目
生前勤擘畫人溺己溺願同儕勉竟全功

湯少寬

捨身成仁功垂不朽名垂不朽
因公殞命生也英雄死也英雄

北京永大和南紙店

建設宏才有功於國有功於民斯人卓著千秋業
成平偉績或布在方或布在策此後留傳萬古名

本會主任委員蘇體仁

勞動著黃流民瘼關懷不惜微軀膏土壤
忠魂歸碧落帝閣可訴長留浩氣壯河山

副主任委員殷沚

千載恨難消只因未竟才能遂懼浩劫
九原心不死還望再來人世力挽狂瀾

顧問谷口三郎

研鑽多年技精練

昏曉磨礪光愈燦

新河堵口比宣房

七士入選皆英彥

排除萬難要務完

歸還途上逢盲彈

可惜同時肝腦塗

痛恨無量腸爲斷

雖然治河策已定

是由諸士熱血換

將見狂瀾永謐安

英靈安眠河南岸

委員嵇銓

黃水未安瀾壯志難酬應有英名垂河史

青山縱埋骨忠魂不死長留碧血在中原

委員費毓楷

與諸君風雨同舟方冀宣防歌瓠子

歎舉世蟲沙厄運遽罹浩劫賦脩門

專員方朝桓

壯士挽天河不惜捐軀成大業

英雄逢浩劫長留偉烈耀寰區

委員兼工務處處長舒壯懷

爲國事宣勤溽暑過征竟罹奇厄

願吾儕努力狂瀾共挽藉慰英靈

委員兼工務處處長舒壯懷挽袁文正關金策

烈烈轟轟遽使英靈歸上界

乾乾淨淨不留遺蛻在人間

祕書主任吳鬻皋

小隊敢辭勞山之麓水之涯鋒鏑之餘千里歸來逢慘劫
夜台同悵望親在堂妻在室遺孤在戶幾家翦紙賦招魂

總務處處長吳時躍

千萬戶已溺興嗟巨浪洪濤極目荒涼餘夕照
六七人中途遇難荆天棘地歸魂縹緲趁秋風

總務處處長吳時躍挽袁文正關金策

白浪正滔天足胝手胼爲挽狂瀾經險阻

紅羊災徧地捐軀殉職徒瞻遺像哭英賢

簡任技正兼工作科科长沈念喬

三年鋤爪萬端共策平成希禹蹟

一旦懷其永訣慘遭奇厄惜英才

事務科同人

爲盡職犧牲壯士一去不復還哀榮千古

論治河技術斯世相需方孔急痛惜諸公

經理科同人

偉績著黃河足胝手胼孰料噩音傳汴上

英靈歸碧落仁至義盡常留浩氣在人間

計畫科同人

堵口尙未實施賚志黃泉知諸君精神不死

測量幸告段落捐軀浩劫願吾儕繼續前功

工作科同人

悲雲慘霧七星沈何處賦招魂堪痛成仁同殉職
白髮紅顏一堂淚還鄉空入夢定知報國待來生

工程隊同人

不惜捐軀大丈夫自能驚天動地
但求濟衆眞勇士何憚碎骨粉身

祕書胡先春

天道寧論爾許英才俄頃化爲灰土
人間何世未殉洪水偏教喪於烽煙

祕書祝先蔡

狂瀾未挽偏逢劫

老淚頻揮又哭君

祕書馮玉田

諸君奮勵前驅報國捐軀名不朽

我輩悽愴後死補天填海恨無窮

祕書孫懿挽馬獻璋樊九經

建國秉忠誠守紀律耐勞苦求實踐公爾忘私夙夜弗懈方謂楊時受學吾

道庶幾其南指日安瀾償素願

立身兼智勇堅意志練人情敏動作衆志成城英才蔚起詎料景仁長逝諸

子復遭浩劫臨風灑淚感前遊

事務科科长丁緒堂

冒險探河流與馬革効疆場同一壯烈

招魂臨汴水歎鴻才待展布未覩澄清

經理科科长李多默

靈之來兮京國故人齊下淚

民猶是也中原何日慶安瀾

計畫科科长吳國賢

嘆吾儕際遇不辰丁茲烽火迷漫慨念時艱早願脫離五濁世

嗟諸君功名未立方冀中流祇柱猝遭浩劫那堪作者七人多

工程隊隊長趙維伯

風雨契同舟共策平成昭大業
倉皇悲永訣竟傷烽火哭諸君

技正王運實

屋梁月色空悵前塵緬懷殉職成名豹死留皮垂壯烈
汴驛災星遽臨同輩借使英靈不遠人生如夢復奚悲

技正邵仲雄

砥柱塌綢繆匝月問揭淺厲深報告成書冒暑不辭千里遠
風雲驚險惡一霎時槍林彈雨幽明隔世傷心作者七人多

技正崔韶成

羨諸君生而爲英死而爲靈尙望默佑宣防早成大業

願吾儕志其如金心其如石從此勉繼遺志藉慰良明

技正崔敬承

籌堵決口已三年集英豪會聚一堂方案粗具規模冀成大業
實施測繪甫一月歎諸君慘遭浩劫長才正待展布竟作古人

工程師陸頌康王式廉殷松林

賚志以終未能榮祖養親黃泉遺恨

懷才莫展從此救民報國碧血長埋

京水鎮口門測量隊隊員周文漪馬殿驪陳若溶

橫流肆虐取偷安拚將活氣偕行既未知生焉知死
壯志莫酬先遇難來向英靈展拜更傷同去不同歸

技士馬澤春

握手別河梁行矣諸君歸來時寧應者樣

橫流誰砥柱痛哉我輩後繼人又當如何

陳大魁羅文紹澆懷珍王宏碩柯富培

何處賦招魂那堪白髮紅顏無限傷心同入夢

今生誓報國忍使黃沙碧血空懷壯志付來人

談潤生張文雄朱溶川關維良倪鴻耀傅雲漳吳本銓

兩載同舟金石言歡如骨肉

乍聞噩耗風雲慘變痛傷心

尹育德周世澤葛兆綿劉逸民陳子英

灑澹治洪荒方仰豐功去蛟鱷

陰霾塞天地何堪劫運厄龍蛇

仇方城盧實王作新陳元文齊昌復李頌琛林治遠劉崇質楊曾執常

光義挽趙伯彭

共學記前塵意洽情投文酒優遊懷雅度

治河欽偉畫功或身瘁風雲變幻弔忠魂

滕茂林挽馬獻璋樊九經

風雨逼新秋遺功應著河渠志

蒼涼增舊感烈士堪悲少壯年

趙維伯挽樊九經

與君兩世通家熟聞肯構象賢籌筆各儲經世畧
共我三年情話太息知音已杳作霖誰護出山雲

香山慈幼院院長胡恩光挽樊九經

忘身就義

爲國捐軀

王秀亭挽樊九經

功追夏禹而無愧

命短顏回不勝悲

倪鴻耀挽樊九經

君乃忠誠孝悌又是多才多藝方期共教汎濫而報國

我慚拙陋鈍愚兼之寡見寡聞正欲常親教益以終身


錢松岳挽樊九經

同窗數載如隸如棠我欲追隨於左右那知成仁以去
處世多艱徧荆徧棘君已跳過此關頭便是自在如來

樊志澄挽子九經

剎那時骨肉分離遭斯慘痛我亦卽來泉下事早作安排通知汝母
迷網地恩情割絕贖此孤單誰承宗祀世間債仍須了結再做兒孫

85724



SKBC
MG
826.16-6
7